

SALAMU KUTOKA KWA BALOZI

Kwa furaha ninawakaribisha kwenye tovuti rasmi ya Ubalози wa Jamhuri ya Muungano wa Tanzania katika Falme ya Netherlands. Ubalози unashughulikia masuala ya uwili na Kimataifa. Katika uwili Ubalози unaiwakilisha Jamhuri ya Muungano wa Tanzania katika Falme ya Netherlands, ambayo inajumuisha nchi nne zinazojitawala ikiwemo Netherlands yenyewe na nchi tatu za Aruba, Curacao na St. Marteen, zilizoko Karibiani.

Kimataifa Ubalози unaiwakilisha Tanzania katika Shirika la Kuzuia Silaha za Kemikali (OPCW), Mfuko wa Mazao Duniani (CFC), Mahakama ya Kimataifa ya Haki (ICJ), Mahakama ya Kimataifa ya Jinai (ICC), na taasisi nyingine za kisheria za kimataifa zenye makazi katika Falme ya Netherlands.

Jukumu kubwa la Ubalози ni kuimarisha na kukuza uhusiano uliopo kati ya Tanzania na Netherlands. Kwa kuwa dira ya sasa ya Tanzania ni utekelezaji wa Diplomasia ya Uchumi kama msukumo mkuu wa Sera yake ya Mambo ya Nje, Ubalози una jukumu la kuitangaza Tanzania kama moja ya maeneo bora ya uwekezaji, utalii na biashara. Ubalози una wajibu wa kusimamia haki za raia wa Tanzania walioko Netherlands wanaojumuisha Diaspora na wanafunzi katika kutekeleza dira hii ya maendeleo na nchi kwa ujumla.

Amani na utulivu wa Tanzania tangu ilipopata uhuru (1961), ni ujumbe wa matumaini kwa wawekezaji watarajiwa, washirika wa biashara, marafiki na wageni kutoka pande zote za dunia. Tanzania ni nyumbani kwa maeneo matatu mashuhuri ya utalii - mlima mrefu zaidi barani Africa: Kilimanjaro, kisiwa cha marashi ya karafuu cha Zanzibar, na mbuga za wanyama za asili zaidi ya kumi na sita (16) zikiwemo Bonde la Ngorongoro, Serengeti, Tarangire, Arusha, Selous, Kitulo almaarufu bustani ya Mungu. Hakika Tanzania imebarikiwa kuwa na maliasili nyingi, maziwa na mito ya kuvutia sana.

Mbali na utajiri wa ardhi ya wanyamapori, kilimo na misitu, Tanzania pia ina utajiri mkubwa wa madini kama tanzanite, almasi, dhahabu, chuma, makaa ya mawe, nikeli, urani, mafuta na gesi asilia.

Ni matumaini yangu kuwa tovuti hii inawapa fursa ya kuelewa vyema nchi yetu, Tanzania, maarufu kwa jina la "THE LAND OF KILIMANJARO".

Karibuni sana kutembelea Tanzania,

Karibuni sana kuwekeza Tanzania,

Karibuni sana kushirikiana na Tanzania.

Caroline Kitana Chipeta

Balozi na Mwakilishi wa Kudumu OPCW.